

反動時代

癸卯十一月初十日出版
同 十五日發行

定價大洋三角

版權

著 作 者 滄 州 張 淳

出 版 兼

發 行 者 上 海 棋 盤 街 鏡 今 書 局

印 刷 所 上 海 新 閘 新 馬 路 昌 壽 里

東 大 陸 圖 書 譯 印 局

反動時代（一名專制自由之戰爭）

目次

第一章 大革命後之歐洲

第二章 專制軍叅謀部之維納公會

第三章 專制軍大本營之神聖同盟

第四章 戰場之二大元帥亞歷山大與梅特涅

第五章 自由軍於歐洲之革命

第六章 自由軍於亞美利加之革命

第七章 專制元帥梅特涅之政策

第八章 自由軍健將蔣年古之政策

第九章 專制軍大本營之破裂

第十章 自由軍之七月革命

第十一章 七月革命之影響

第十二章 東方專制國問題上

第十三章 自由軍於西班牙及葡萄牙之運動

第十四章 東方專制國問題下

反 動 時 代

反動時代（一名專制自由之戰爭）

滄州張淳譯述

第一章 大革命後之歐洲

楚霸王之敗於垓下也。歌曰：力拔山兮氣蓋世，時不利兮騶不逝，騶不逝兮可奈何。虞兮虞兮奈若何。余讀史至此，嘗拍案大聲而呼曰：悲哉英雄之末路，竟若是其蕭條淒涼也。

一千八百十三年十月十六日至十八日，風雲黯黯之來，不齊大戰以後，拿破崙畢生偉業，山崩地裂，一千八百十四年三月三十一日，同盟軍入巴黎，拿破崙至風蝶布落宮，計畫恢復之策，商諸將士，皆不聽，並勸帝辭位以避之。元老院亦附和衆意，決意廢帝。於是蓋世英雄，計窮不得已，四月五日夜半，飲淚草退位之檄書，畧曰：

同盟諸國，宣言朕爲破害歐洲，平和惟一之君主，朕亦聽其宣言，放棄法蘭西及伊大利之位，爲法蘭西國之利益計，犧牲朕之一身，所不辭也。性命曷敢愛惜，以

是普告國人

富安男得此宣言傳於巴黎帝之將士皆散拿破崙鬱鬱不自懌同月十一日謀自殺爲人覺不果流諸幽兒泊島二十日整列軍隊向法蘭西民誅別離之辭而發於是路易第十六世之弟路易十八世登王位迫於列國之強力不能不立此非法國國民意也

自法蘭西大革命後歐洲列國直接間接無不受拿破崙之影響者若比利時若瑞西若伊太利之一部若日耳曼西部若伊里里牙諸州若飛蝶蘭皆震懾拿破崙之餘威拱手聽命而不敢逆雷霆之一怒若西班牙若野特法亞林若伊太利若拿破崙諸王國亦皆聽其指揮發縱以日耳曼諸州組織來因同盟以瑞西丹馬強結攻守同盟千八百十二年迫奧地利及普魯士使之同盟北抗俄羅斯爲拿破崙敵之者惟英吉利俄羅斯瑞典西奇里牙葡萄牙及西班牙之暴徒而已

拿破崙敗後其種種事業全歸傾覆一千八百十三年奧普首背拿破崙與英俄結

同盟德意志諸州皆相援助。攻撒遜之拿破侖軍。會戰於來不齊。拿破侖軍大敗。一千八百十三年十一月在法蘭火多。同盟軍約與拿破侖以一千八百年法國版圖。拿破侖不聽。乃進入法國。一千八百十四年在夏奇翁更約與拿破侖以一千七百九十年法國版圖。仍不聽。一千八百十四年三月。遂褫奪其帝位。自一千七百九十二年。至一千八百十四年之間。歐洲諸國。悉罹兵戈之禍。慘無天日。拿破侖帝既敗。列國不復有猜忌之心。與恐怖之念。握手言歡。會于一堂。維持永久之平和。此當年朝野諸政治家所禱祝者也。

第二章 專制軍參謀本部之維也納公會

一千八百十四年五月三十日。締結巴黎條約。列國各遣使臣于奧都維也納。謀善後之策。返取拿破侖所併吞之土地。復畫列國疆域。以防後世之紛紜擾亂。若曰『社會秩序之整飭』。若曰『歐洲政治之刷新』。若曰『國勢平均上之永遠平和』。等壯快文字。輝煌煊耀。傳頌於一世。其爲此虛言僞語也。一則熄當時物

議之沸騰。一則形維也。納公會之威嚴。實則戰勝者。取敗者之物品。剖而分之。以自肥耳。無所謂整飭也。無所謂刷新也。無所謂平和也。衆議喧噪。逞其無饜之野心。圖自利。謀自私耳。英俄奧普四國操勝利之權。以代法蘭西之專恣。實專制主義之結合。以反對神聖自由民權耳。俄帝亞力山大一世初博人之褒諛。尙協衆望。繼爲一己之私。一國之利。親來維也納。其目的有四。

一 以瓦爾肖公國及舊波蘭領土。再建一獨立國。布自由主義之憲法。自爲其王。

二 恐奧地利握德意志聯邦之霸權。坐致強大。已乃履不利之危。立種種防遏之策。由波蘭王國。震壓其北境。蔓延法蘭西之勢于意大利。以制其西。

三 俄國惡撒遜之忠拏破崙。又欲與普國修好。議將撒遜讓于普魯士。

四 芬蘭已爲俄國併吞。在波利的海。俄國無所計畫。擴張權利於東方。經營土耳其帝國。

帝之至維也。納也。頗與奧國相惡。互相嫉忌。亦不滿梅特涅之行事。隱蓄不平之意。帝頗爲同盟軍總督。梅特涅堅持不允。遂致齟齬。千八百十三年十二月。同盟軍侵入瑞典之際。帝獨不以爲然。宣傳愛之情。言瑞典爲中立國。坐是列國之間。不能一致。互相猜忌。同盟軍未達巴黎之初。各國猶貌飾平和。而俄帝終以梅特涅爲永久之碍物。爲不共戴天之敵。遇事則掣其肘。梅特涅形色不露。恃其從容婉順之態度。以懾帝怒。帝知其險詐。心益恨之。

英吉利之政策。在伸其海上權力。以謀商業發達之基。欲貫此方針。必牽掣法俄二國。俾不能大逞其意。而後可。俄國久伸其足于土耳其。培奪英國東方之利益。法國以海軍商業欲與英國相抗。故英國削奪法國之領土。分諸荷蘭。嫁其女於荷蘭王之太子。兩國親密。奪撒遜王國全部。以與普國。更以舊波蘭之土地分之。結普王之歡心。駁俄帝再建波蘭王國之議。以波蘭全土歸奧地利。強固其勢力。更援助伊大利。永奠立國之基。西抑法蘭西。東制俄羅斯。英人種種政策。皆於維也納公會夢想。

之手段也。

奧國之意如何。懼俄法之東侵。與英國相結。密邇無間。組織德意志聯邦。獲來因河沿岸之地。在意大利領有米蘭衛泥基門地那巴麻夫洛林那破里等地。據守之以防遏法國東侵之潛勢。使危弱傾圮之波蘭王國。不能再興。嚴置丹牛波河之守備。制俄國之南下。是與英國意見皆同。而于交普之政策。則二國各相冰炭。奧國以爲普國如得撒遜。不啻爲德意志聯邦均勢破壞之源。不異假道於敵。與普王以入維也納之莫大便利。反對英國以來因河沿岸地及波蘭舊領與普之論。又懼普魯士他日勢足力固。不免有併吞德意志聯邦之危。使白龍王國于南德意志當之。俾還奧國領土。更以自法蘭哥尼至洛多林根之來因河地與之。是其種種計畫。皆奧國所主張者也。

普國之意。備法國之侵入。固爲第一要務。得撒遜王國。一旦與奧相戰。有高屋建瓴之勢。故寧割棄舊波蘭領土。不欲坐失撒遜於奧國。陽似忠實。而極惡其政策。隱抱

不平。奈勢力微弱。非假俄不足堅拒而相抗。乃與俄相結。外示服從之態。內懷陰險之心。

法國敗後。其與同盟國交際。初尙聽其指揮。至路易十八世卽位。恢復勢力之後。助撒遜西班牙巴爾馬等。巧圖己國之利。當其衝者。爲權略優長。縱橫當代之達勒蘭。主張正統主義。其謂國境之分界。國權之大小。須按法國革命前之歷史定其疆域。若邦土。若君位。非經真正者之確實承諾。他國不得肆加左右。列國公認之政府。皆得遣代表者參列公會。以回復其權利云。其要求者。拒普國之併撒遜。並反對俄國吞波蘭之政策。扶立奧國及白龍之勢力。得與普國相抗。伸張法國勢力于意大利及瑞西。以控制奧國。於英國則取放任主義。泯其猜疑之心。是戰敗國之政策也。九月二十二日。達勒蘭未至維也納之先。英俄奧普四國同盟協議作書二通。言公會之重要問題。專以四國之意決之。至邦土分合諸事。須由四國協議後。始告諸法西兩國。兩國僅能自述其意云。達勒蘭既至。四國以議定書示之。彼乃列款抗議。

一 和議既成之後。四國不得稱同盟。
二 公會所招集之國。雖有強弱之分。然權利必須同等。
三 公會爲諸國結合之團體。欲爲有效之決議。須令團體員自由討論。
此議終爲四國所諾。法國獲第一等之勝利。十月八日達勒蘭更勸四國決定左之事項。

一 十一月一日開會議事。

二 五大國當此期之先。凡重要之事。須開秘密協會議。

三 選定總務委員。準備議案。每一事件。須任特別調查委員。但調查委員必須與其事件有關係國之使臣任之。

四 總務委員除俄奧普使臣之外。列于巴黎條約之諸國。如法西葡瑞各使臣皆得任之。

五 公會決議須依國際公法之原則。

四國不喜悅。此決議欲消滅之。俾歸於無効。初相梅特涅戲弄各國使臣。藉口調和時勢。開大宴會以享之。奧國財政艱難之際。人民極形窮窘。而爲此盛會。日費萬磅。奧都民心大爲震搖。公會期日。坐是遷延。後從達勒蘭之議。以十一月一日定爲開會之期。

與此公會者同盟四國之外。有法西葡典四國。使臣之姓氏如左。

英吉利子爵。家紫爾列亞。公爵。惠靈咨。伯爵。克蘭加旗。伯爵。嘉士革度斯都瓦。俄羅斯公爵。勞摩士基。伯爵。士達蓋兒白庫。伯爵。愛色老第。

奧地利公爵。梅特涅。男爵。野山白果。

普魯士公爵。汗田白古。男爵。風包土。

法蘭西公爵。達勒蘭。公爵。德白果。伯爵。拉早秋比昂。

西班牙拉普刺道。

葡萄牙羅包大西葉拉。

瑞典諾威來因修木伯

此外俄帝亞力山大。普王斐迭禮維廉。奧帝法蘭西斯。及口龍王維典白果王等。皆親臨會席。自餘諸小國。各出委員。由八國使臣述其希望之詞。代表者之全數共百有餘人。土耳其之外。歐洲諸國無不入此會者。

然徒耗時日。不能顯著成效。至十一月一日。仍未開會。奧相梅特涅屢施其諂狡之計。欲維持同盟四國之勢力。與英吉利相結。離間普俄兩國。抗拒俄併波蘭。并與普國以撒遜德意志。其堅拒俄帝使其再與瓦爾西亞之策。不能成功。約曰德意志聯邦之主權。普奧當分享之。因白龍維典白果兩國。抗組織聯邦之策。又不容普國領有撒遜。普俄仍復親密。組織聯邦問題。調查委員會。十一月十六日以後遂止。

當各國紛爭之際。達勒蘭起而司調停之任。十一月中旬開議。各國委員堅持一己之利益。不稍推讓。其所議條件。(一)德意志聯邦憲法問題。(二)瑞西共和國組織之政治問題。(三)和蘭王國組織問題。(四)伊大利諸國組織問題。(五)歸還法王

領土問題。(六)廢止賣買奴隸問題。(七)防遏地中海海賊問題。(八)大河自由航行問題等。議事益繁。益形錯雜。普將布留黑爾目公會爲一小年市。云市場之中賣買家。蓄恆擾亂無已。公會亦然。

乘維也納會議混雜之時。法相達勒蘭陰施其煽惑之力。千八百十五年三月。法國竟越同盟國。據巨大勢力于列國之間。衰敗之國。蹶然而起。與強國同列。且有登龍斷而左右望之勢。達勒蘭之聲望。震耀列國。俄羅斯之併吞土地。及撤遜王國之廢止。皆遭其抗拒。英奧兩國爲其所誘。千八百十五年一月三日。結俄奧法三國同盟。誓約大旨。謂或戰或和。皆須相一。四國同盟。乃由此絕跡。戰雲慘淡。將有再發之意。後列國互相遜讓。僅獲無事。卒破壞波蘭南境之砲臺。全國盡割於俄。撤遜王國半割于普。來因地方普國亦得領其一部。至意大利問題。法國雖稍有所讓。自大體觀之。凡法國所主張者。皆如其願。以戰敗之國。享此巨利。亦可偉矣。苟能如此決議。公會結了之後。法國必大有所獲。乃時局忽一大變。出人意料之外。如青天白日乍

聞關歷列國使臣驚惶莫知其措。

千八百十五年三月七日午前與相梅特涅臥于寢室。奉駐搭載奴之領事書曰。拿破崙歸國。梅特涅大驚。始知前言非謬。蓋一千八百十四年。梅特涅曾切論幽兒巴島不可爲拿破崙之寓地也。

千八百十五年三月朔。拿破崙於甘奴旁萬夫覺萬登陸。十九日。破路易十八世入波奔宮廷。及秋葉里宮。時法人皆厭中興政府之秕政。以拿破崙爲革命主義之代表者。大歡迎焉。

列國使臣初不以爲意。耽樂於玉帛樽俎之間。及拿破崙在秋葉里已渡數日。歌舞之夢始醒。籌畫應戰之策。英俄奧普法葡西典八國乃決議曰。

拿破崙破壞世界之平和。乃共同之讎敵。列國當與決絕。必剿滅之。不可赦也。

三月二十五日更結條約。初英俄奧普互相商榷。自餘小國亦各表同意。遂使瓦解之四國同盟。再呈興復之狀。而法國之形勢益危。

同盟諸國三月十三日之宣言書及三月廿五日之條約，聲言以拏破侖爲公敵。與法民絕無干涉。凡國民之利益，皆保存之。莫加損害。載於五月三十日之巴黎條約。及聞路易十八世奔比利時也。同盟軍乃排斥法民，與拏破侖同搗之。國際公法以外。

一千八百十五年四月四日黎明，拏破侖出巴黎。六月十六日入比利時。戰於列泥野。破普留里耳所率之普軍。同盟軍與拏破侖開戰之機已迫。列國不追他顧，又開維也納公會以議之。調和諸國之不平。法國亦得與議。於是調查委員會各從事於此。至一千八百十五年六月九日，議漸結。其盟示名曰『維納也公會最後之決議』。都百二十一條。紙數二百五頁。今舉其要者。

一 拏破侖所建之瓦爾省公國，除其一小部外，皆割於俄國。其西部則讓諸普國。稱包森大公國。

波蘭人藉俄帝之力，即已割於俄。普奧三國之地，仍得保守其古來制度。及